

繒疾陵遲其去反一音渠

廿二末

聖三

無餘故祕密中說諸菩薩得無生法忍煩惱已斷具六神通利益衆生以顯示法故前說阿羅漢後說菩薩復次菩薩以方便力現入五道受五欲引導衆生若在阿羅漢上諸天世人當生疑怪是故後說問曰在阿羅漢後可余何以反在優婆塞優婆夷後答曰四衆雖漏未盡盡在不火故通名聲聞衆若於四衆中間說菩薩者則不便如比丘尼得無量律儀故應次比丘後在沙彌前佛以儀法不便故在沙彌後此諸菩薩亦如是雖應在學人三衆上以不便故在後說復次有人言菩薩功德智慧超殊阿羅漢辟支佛是故別說問曰聲聞經中但說四衆此中何以別說菩薩衆答曰有二種道一聲聞道二菩提薩埵道比丘比丘尼優婆塞優婆夷若說四衆當知是求聲聞道者若別說菩薩摩訶薩衆當知是求佛道者以是故聲聞法中經初無佛中佛辟支佛阿羅漢皆是福田以其煩惱盡比丘尼比丘菩薩今何以先說比丘次三衆後說菩薩答曰菩薩雖應次佛以諸煩惱未盡故先說阿羅漢諸阿羅漢智慧雖少而已成熟諸菩薩智慧雖多而煩惱未盡是故先說阿羅漢佛法有二種一祕密二顯示顯示王桂

處住與余所比丘俱如說佛在波羅柰與五比丘俱佛在伽耶國中與千比丘俱佛在舍婆提與五百比丘俱如是種種經初不說與菩薩若干人俱問曰諸菩薩二種若出家若在家在家菩薩總說在優婆塞優婆夷中出家菩薩總說在比丘比丘尼中今何以故別說

答曰雖揔在四衆中應當別說何以故是菩薩必墮四衆中有四衆不墮菩薩中何者是有聲聞人辟支佛人有求生天人有求樂自活人此四種人不墮菩薩中何以故是人不發心言我當作佛故復次菩薩得無生法忍故一切名字生死相斷出三界不墮衆生

釋

二

王

數中何以故聲聞人得阿羅漢道滅度已尚不墮衆生數中何況菩薩如波羅延經優波尸難中偈說
已滅無處更出不
既入涅槃常住不
佛答

滅者即是不可量 破壞因緣及名相
一切言語道已過 一時都盡如火滅
如阿羅漢一切名字尚斷何況菩薩能破一切諸法知實相得法身而不斷耶以是故摩訶衍四衆中別說菩薩問曰何以故大乘經初菩薩衆聲聞衆兩說聲聞經獨說比丘衆不說菩薩衆答曰欲辨二乘義故佛乘及聲聞乘聲聞乘狹小佛乘廣大聲聞乘自利自爲佛乘益一切復次聲聞乘多說衆主空佛乘說衆生空法空如是等種種分別三乘分別說是二道故摩訶衍經聲聞衆菩薩衆兩說如讚摩訶衍偈中說

得此大乘人 能與一切樂 利益以實法令得無上道 得此大乘人 慈悲一切故頭目以布施 捨之如草木 得此大乘人護持清淨戒 如犛牛愛尾 不惜身壽命得此大乘人 能得無上忍 若有割截身視之如斷草 得此大乘人 精進無厭倦

聖四

力行不休息。如抒大海者。得此大乘人。廣修無量定。神通聖道力。清淨得自在。得此大乘人。分別諸法相。無壞實智慧。是中已具足。不可思議智。無量悲心力。不入二法中。等觀一切法。驢馬馳象乘。雖同不相匹。菩薩及聲聞。大小亦如是。大慈悲爲軸。智慧爲兩輪。精進爲快馬。戒定以爲銜。忍辱心爲鎧。總持爲轡勒。摩訶衍人乘。能度於一切。

問曰。如聲聞經初但說比丘衆摩訶衍經初何以不但說菩薩衆。答曰。摩訶衍廣大諸乘諸道皆入摩訶衍聲聞乘狹小不受摩訶衍譬。如恒河不受大海以其狹小故大海能受衆流以其廣大故摩訶衍法亦如是。如偈說。摩訶衍如海。小乘牛跡水。小故不受大其喻亦如是。以是故小乘衆不受菩薩問曰。何等名菩提。何等名薩埵。答曰。菩提名諸佛道。薩埵名成。

衆生或大心是人諸佛道功德盡欲得其心不可斷不可破。如金剛山是名大心。如偈說。一切諸佛法。智慧及戒定。能利益一切。是名爲菩提。其心不可動。能忍成道事不斷亦不破。是心名薩埵。

復次稱讚好法名爲薩好法體相名爲埵菩薩心自利利他故度一切衆生故知一切法實性故行阿耨多羅三藐三菩提道故爲一切賢聖之所稱讚。故是名菩提薩埵。所以者何一切諸法中佛法最第一是人欲取是法故爲賢聖所讚歎。復次如是人爲一切衆生脫生老死故索佛道是名菩提薩埵。復次三種道皆是菩提一者佛道二者聲聞道三者辟支佛道。辟支佛道聲聞道雖得菩提而不稱爲菩提。佛功德中菩提稱爲菩提是名菩提薩埵。問曰齊何來名菩提薩埵。答曰有大誓願心不可動。精進不退以是三事名爲菩提薩埵。復次有人言初發心作願我當作佛。

度一切衆生從是已來名菩提薩埵如偈說
若初發心時 誓願當作佛 已過諸世間
應受世供養

從初發心到第九無礙入金剛三昧中是中
間名爲菩提薩埵是菩提薩埵有兩種有禪
跋致有阿禪跋致如退法不退法阿羅漢阿

禪跋致菩提薩埵是名實菩薩以是實菩薩
故諸餘退轉菩薩皆名菩薩譬言如得四道人
是名實僧以實僧故諸未得道者皆得名僧
問曰云何知是菩薩禪跋致阿禪跋致答曰
般若波羅蜜阿禪跋致品中佛自說阿禪跋
致相如是相是退轉如是相是不退轉復次
若菩薩一法得好修好念是名阿禪跋致菩
薩何等一法常一心集諸善法如說諸佛一心
集諸善法故得阿耨多羅三藐三菩提復次
有菩薩得一法是阿禪跋致相何等一法正
直精進如佛問阿難阿難汝說精進如是世
尊阿難汝讚精進如是善逝阿難常行常修

常念精進乃至令人得阿耨多羅三藐三菩
提如經廣說復次若得二法是時是阿禪跋
致相何等二法一切法實知空亦念不捨一
切衆生如是人名爲阿禪跋致菩薩復次得
三法一者若一心作願欲成佛道如金剛不
可動不可破二者於一切衆生悲心徹入骨
聖四

王

五

王

髓三者得般舟三昧能見現在諸佛是時名
阿禪跋致復次阿毗曇中迦旃延尼子弟子
輩言何名菩薩自覺復能覺他是名菩薩必
當作佛是名菩薩菩提名漏盡人智慧是人
從智慧生智慧人所護智慧人所養故是名
菩薩又言發阿禪跋致心從是已後名菩薩
又言若離五法得五法是名菩薩何謂五法
離三惡道常生天上人間離貧窮下賤常得
尊貴離非男法常得男子身離諸形殘缺陋
諸根具足離捨喜忘常憶宿命得是宿命智
慧常離一切惡法遠捨惡人常求道法攝取
弟子如是名爲菩薩又言從種三十二相業

已來是名菩薩問曰何時種三十二相業因緣答曰過三阿僧祇劫然後種三十二相業因緣問曰幾時名阿僧祇答曰天人中能知算數法極數不能知是名一阿僧祇如一一名二二二名四三三名九十十名百十百名千十千名萬千萬名億千萬億名那由他千萬那由他名頻婆千萬頻婆名迦他過迦他名阿僧祇如是數三阿僧祇若行一阿僧祇滿行第二阿僧祇第二阿僧祇滿行第三阿僧祇譬如算數法算一乃至算百百算竟還至一如是菩薩一阿僧祇過還從一起初阿僧祇中心不自知我當作佛不作佛二阿僧祇中心雖能知我必作佛而口不稱我當作佛三阿僧祇中心了了自知得作佛口自發言無所畏難我於來世當作佛釋迦文佛從過去釋迦文佛到罽那尸棄佛爲初阿僧祇是中菩薩永離女人身從罽那尸棄佛至然燈佛爲二阿僧祇是中菩薩七枚青蓮華供養

然燈佛敷鹿皮衣布髮掩泥是時然燈佛便授其記汝當來世作佛名釋迦牟尼從然燈佛至毗婆尸佛爲第三阿僧祇若過三阿僧祇劫是時菩薩種三十二相業因緣問曰三十二相業何處可種答曰欲界中非色無色界於欲界五道在人道中種於四天下閻浮提中種非拘耶尼鬱單羅越弗婆提唯在閻浮提於男子身種非女人佛出世時種佛不出世不得種緣佛身得種緣餘不得種問曰是三十二相業於身業口業意業何業種答曰意業種非身口業何以故是意業利故問曰意業有六識是三十二相業爲是意業種是五識種答曰是意識非五識何以故五識不能分別以是故意識種問曰何相初種答曰有人言足安立相先種何以故先安立然後能種餘相有人言紺青眼相初種得此眼相大慈觀衆生雖有是語不必余也若相因聖四王六六

答曰三十二思種三十二相一一思種一一相
一一相百福德莊嚴問曰幾許名一福德答曰
有人言業報轉輪聖王於四天下受福樂得
自在是名一福德如是百福成一相復有人言
作釋提桓因於二天中得自在是名一福德
有人言作他化自在天王於欲界中得自在
是名一福德有人言除補處菩薩餘一切衆
生所得福報是名一福德有人言天地劫盡
一切衆生共福德故三千大千世界報立是
名一福復有人言是福不可量不可以譬喻
知如三千大千世界一切衆生皆盲無目有
一人能治令差是爲一福一切人皆被毒藥

聖四

七

王

曰極遲百劫極疾九十一劫釋迦牟尼菩薩
九十一劫行辦三十二相如經中言過去
久遠有佛名弗沙時有二菩薩一名釋迦牟
尼一名彌勒弗沙佛欲觀釋迦牟尼菩薩心
純淑未即觀見之知其心未純淑而諸弟子
心皆純淑又彌勒菩薩心已純淑而弟子未
純淑是時弗沙佛如是思惟一人之心易可
速化衆人之心難可疾治如是思惟竟弗沙
佛欲使釋迦牟尼菩薩疾得成佛上雪山上
於寶窟中入火定是時釋迦牟尼菩薩作外
道仙人上山採藥見弗沙佛坐寶窟中入火
定放光明見己心歡喜信敬翹一脚立叉手向
佛一心而觀目未曾瞬七日七夜以一偈讚佛
天上天下無如佛 十方世界亦無比
世界所有我盡見 一切無有如佛者

七日七夜諦觀此尊目未曾瞬超越九劫於
九十一劫中得阿耨多羅三藐三菩提問曰
若釋迦牟尼菩薩聰明多識能作種種好偈

唯佛能知問曰菩薩幾時能種三十二相答

何以故七日七夜一偈讚佛答曰釋迦牟尼菩薩貴其心思不貴多言若更以餘偈讚佛心或散亂是故七日七夜以一偈讚佛問曰釋迦牟尼菩薩何以心未純淑而弟子純淑彌勒菩薩心純淑而弟子未純淑答曰釋迦牟尼菩薩饒益衆生心多自爲身少故彌勒菩薩多爲己身少爲衆生故從釋迦牟尼佛至迦葉佛於其中間九十一劫種三十二相業因緣竟六波羅蜜滿何等六檀波羅蜜尸羅波羅蜜羼提波羅蜜毗梨耶波羅蜜禪波羅蜜般若波羅蜜問曰檀波羅蜜云何滿答曰一切能施無所遮礙乃至以身施時心無所

聖四王
一切能施無所遮礙乃至以身施時心無所
主何以愁憂答曰我求一切智人不可得以是故愁憂毗首羯磨言有大菩薩布施持戒禪定智慧具足不久當作佛帝釋以偈答曰菩薩發大心魚子巷樹華三事因時多成果時甚少

毗首羯磨答曰是優尸那種尸毗王持戒精進大慈大悲禪定智慧不久作佛釋提桓因語毗首羯磨當往試之知有菩薩相不汝作鵠我作鷹汝便佯怖入王腋下我當逐汝毗首羯磨言此大菩薩云何以此事惱釋提桓因說偈言

我亦非惡心如真金應試以此試菩薩

知其心定不

說此偈竟毗首羯磨即自變身作一赤眼赤足鵠釋提桓因自變身作一鷹急飛逐鵠鵠佛釋提桓因命欲終自念言何處有佛一切直來入王腋底舉身戰怖動眼促聲是時衆多人相與而語曰是王大慈仁智人處處問難不能斷疑知盡非佛即還天上愁憂而坐巧變化師毗首羯磨天問曰天

一切宜保護如是鵠小鳥歸之如入舍

聖四

九

王

菩薩相如是 作佛必不久

是時鷹在近樹上語尸毗王還與我鴟此我所受王時語鷹我前受此非是汝受我初發意時受此一切衆生皆欲度之鷹言王欲度一切衆生我非一切耶何以獨不見愍而奪我今日食王答言汝須何食我作誓願其有

衆生來歸我者必救護之汝須何食亦當相給鷹言我須新殺熟肉王念言如此難得自非殺生何由得也我當云何殺一與一思惟心定即自說偈

是我此身肉 恒屬老病死 不久當臭爛
彼須我當與

如是思惟已呼人持刀自割股肉與鷹鷹語王言王雖以熟肉與我當用道理今肉輕重鵠身轉重王肉轉輕王令人割二股亦輕不足次割兩端兩臍兩乳頸脊舉身肉盡鵠身猶重王肉故輕是時近臣內戚安施帳幔却譖

看人王今如此無可觀也尸毗王言勿遽諸人聽令入看而說偈言

天人阿脩羅 一切來觀我 大心無上志
以求成佛道 若有求佛道 當忍此大苦
不能堅固心 則當息其意

是時菩薩以血塗手攀稱欲上定心以身盡

以對鷹鷹言大王此事難辦何用如此以鵠還我王言鵠來歸我終不與汝我喪身無量於物無益今欲以身求易佛道以手攀稱爾時菩薩肉盡筋斷不能自制欲上而墮自責心言汝當自堅勿得迷悶一切衆生墮憂苦大海汝一人立誓欲渡一切何以怠悶此苦甚少地獄苦多以此相比於十六分猶不及一我今有智慧精進持戒禪定猶患此苦何得與鵠等勿見欺也王言持稱來以肉對鵠況地獄中人無智慧者是時菩薩一心欲上復更攀稱語人扶我是時菩薩心定無悔諸天龍王阿脩羅鬼神人民皆大讚言爲小鳥乃余是事希有即時天地爲六種震動大海

聖西

十

王

波揚枯樹生華天降香雨及散名華天女歌讚必得成佛是時四方神仙皆來讚言是真菩薩必早成佛鷹語鵠言衆試如此不惜身命是真菩薩即說偈言

慈悲地中生一切智樹牙我曹當供養不應施憂惱

毗首羯磨語釋提桓因言天主沒有神力可令此王身得平復釋提桓因言不須我也此王自作誓願大心歡喜不惜身命感發一切令求佛道帝釋語人王言汝割肉辛苦心不惱沒耶王言我心歡喜不惱不沒帝釋言誰當信汝心不沒者是時菩薩作寶誓願我割肉血流不瞑不惱一心不悶以求佛道者我身當即平復如故即出語時身復如本人天見之皆大悲喜嘆未曾有此大菩薩必當作佛我曹應當盡一心供養願令早成佛道當念我等是時釋提桓因毗首羯磨各還天上如是等種種相是檀波羅蜜滿問曰尸羅波

羅蜜云何滿答曰不惜身命護持淨戒如須陀須摩王以劫磨沙波陀大王故乃至捨命不犯禁戒昔有須陀須摩王是王精進持戒常依實語晨朝乘車將諸妓女入園遊戲出城門時有一婆羅明來乞語王言王是大福德人我身貧窮當見愍念賜丐少多王語言諾敬如來告當相布施須我出還作此語已入園潔浴嬉戲時有兩翅王名曰鹿足空中飛來於妓女中捉王將去譬如金翅鳥海中取龍諸女啼哭號慟一圍驚城內外搔擾悲惶鹿足負王騰躍虛空至所住山置九十九諸王中須陀須摩王涕零如雨鹿足語言大刹利王汝何以啼如小兒人生有死合會有離須陀須摩王答言我不畏死自恨失信我從生已來初不妄語今日晨朝出門時有一婆羅門來從我乞我時許言還當布施不慮無常孤負彼心自招欺罪是故啼耳鹿足王言汝意欲余畏此妄語聽汝還去七日布施婆

羅門訖便來還若過七日不還我有大難取
汝不難須陀須摩王得還本國恣意布施立
太子爲王大會人民懺謝之言我智不周物
治多不如法當見忠恕如我今日身非已有
正余還去舉國人民及諸親戚叩頭留之願
王留意慈蔭此國勿以鹿足鬼王爲慮也當

設鐵舍奇兵鹿足雖神不畏之也王言不得
尔也而說偈言

實語第一戒 實語昇天梯 實語爲大人
妾語入地獄 我今守實語 寧棄身壽命
心無有悔恨

如是思惟已王即發去到鹿足王所鹿足遇
見歡喜而言汝是實語人不失信要一切人
皆惜身命汝從死得脫還來赴信汝是大人
爾時須陀須摩王讚實語實語是爲人非實
語非人如是種種讚實語呵妾語鹿足聞之
信心清淨語須陀須摩王言汝好說此今相
放捨汝得解脫九十九王亦布施汝隨意各還

本國如是語已百王各得還去如是等種種相
是爲口羅波羅蜜滿問曰舜提波羅蜜云何滿
答曰若人來罵撻捶割剥支解奪命心不起瞋
如舜提比丘爲迦梨王截其手足耳鼻心堅
不動問曰毗梨耶波羅蜜云何滿答曰若有
大心勤力如大施菩薩爲一切故以此一身誓
聖四王

十三

王

抒大海令其乾盡定心不懈亦如讚弗沙佛
七日七夜翹一脚目不瞬問曰禪波羅蜜云
何滿答曰如一切外道禪定中得自在又如
尚闡梨仙人坐禪時無出入息鳥於螺髻中
生子不動不搖乃至鳥子飛去問曰般若波
羅蜜云何滿答曰菩薩大心思惟分別如劬
娘陀婆羅門大臣分閻浮提大地作七分若
干大城小城聚落村民盡作七分般若波羅
蜜如是是菩薩六波羅蜜滿在迦葉佛所作
弟子持淨戒行功德生兜率天上問曰菩薩
何以生兜率天上而不生上生不在下生是
大有福德應自在生答曰有人言因緣業熟

應在是中生復次下地中結使厚濁上地中
結使利兜率天上結使不厚不利智慧安隱
故復次不欲過佛出世時故若於下地生命
短壽終時佛未出世若於上地生命長壽未
盡復過佛出時兜率天壽與佛出時會故復
次佛常居中道故兜率天於六天及梵之中

上三下三於彼天下生中國中夜降神中夜出
迦毗羅婆國行中道得阿耨多羅三藐三菩提
提中道爲人說法中夜入無餘涅槃好中法
故中天上生如是菩薩兜率天上生竟以四
種觀人間一者觀時二者觀土地三者觀種
姓四者觀生處云何觀時時有八種佛出其

聖四十三五

中第一人長壽八萬四千歲時第二人壽七
萬歲第三人壽六萬歲第四人壽五萬歲第
五人壽四萬歲第六人壽三萬歲第七人壽
二萬歲第八人壽百餘歲菩薩如是念人壽
百歲佛出時到是名觀時云何觀土地諸佛
常在中國生多金銀寶物飲食豐美其土清

淨云何觀種姓佛生二種姓中若刹利若婆
羅門刹利種勢力大故婆羅門種智慧大故
隨時所貴者佛於中生云何觀生處何等母
人能懷那羅延力菩薩亦能自護淨戒如是
觀竟唯中國迦毗羅婆淨飯王后能懷菩薩
如是思惟已於兜率天下不失正慧入於母
胎問曰何以故一切菩薩未後身從天上来
不從人中來答曰乘上道故六道之中天道
最上復次天上下時種種瑞應未曾所有若
從人道人道不能有此復次人敬重天故問
曰一切人以垢心有相續入母胎一切邪慧
相應云何名菩薩正慧入母胎答曰有人言
有相續時一切衆生邪慧心入母胎菩薩憶
念不失故名正慧入母胎中陰中住則知中陰
住入胎時知入胎歌羅邏時知住歌羅邏受胎
赤白精和合時也頰浮陀二七日時如受胎
靈胞狀名也時知住頰浮陀伽
那時知住伽耶三七日時如受胎五胞時知住五胞出
生時知出生是中憶念不失是名正慧入母胎

復次餘人在中陰住時若男於母生欲染心此女人與我從事於父生瞋恚若女於父生染欲心此男子與我從事於母生瞋恚如是瞋恚心染欲心菩薩無此菩薩先已了知是父是母是父母能長養我身我依父母生身得阿耨多羅三藐三菩提是淨心念父母相續入胎

是名正慧入母胎是菩薩滿十月正慧不失念出胎行七步發口言是我末後身乃至將示相師汝觀我子實有三十二大人相不若三十二相具足者是應有二法若在家當爲轉輪聖王若出家當成佛諸相師言地天太子實有三十二大人相若在家者當作轉輪王

聖四

古

王

若出家者當成佛王言何等三十二相師答言一者足下安平立相足下一切著地間無所受不容一鍼二者足下二輪相干輻輶轂三事具足自然成就不待人工諸天工師毗首羯磨不能化作如是妙相問曰何以故不能答曰是毗首羯磨諸天工師不隱沒智慧是輪

聖四

十五

王

相善業報天工師生報得智慧是輪相行善根智薰得是毗首羯磨一出生是智慧是輪相從無量劫智慧生以是故毗首羯磨不能化作何況餘工師三者長指相指纖長端直次第臍好指節參差四者足跟廣平相五者手足指縵網相如鷹王張指則現不張則不現六者手足柔軟相如細劫波毳勝餘身分七者足趺高滿相以足蹈地不廣不狹足下色如赤蓮華足指間網及足邊色如真珊瑚指爪如淨赤銅足趺上真金色足趺上毛青毗琉璃色其足嚴好譬如雜寶屐種種莊飾八者伊泥延臍相如伊泥延鹿王臍隨次臍纖

九者正立手摩膝相不俯不仰以掌摩膝十者陰藏相譬如調善象寶馬寶問曰若菩薩得阿耨多羅三藐三菩提時諸弟子何因緣見陰藏相答曰爲度衆人決衆疑故示陰藏相復有人言佛化作馬寶象寶示諸弟子言我陰藏相亦如是十一者身廣長等相如尼

拘盧陀樹菩薩身齊爲中四邊量等十二者毛上向相身有諸毛生皆上向而靡十三者一一孔一毛生相毛不亂青琉璃色毛右旋上向十四者金色相問曰何等金色答曰若鐵在金邊則不現今現在金比佛在時金則不現佛在時金比閻浮那金則不現閻浮那金比大海中轉輪聖王道中金沙則不現金沙比金山則不現金山比須彌山金則不現須彌山金比三十三諸天瓔珞金則不現三十諸天瓔珞金比炎摩天金則不現炎摩天金比兜率陀天金則不現兜率陀天金比化自在天金則不現化自在天金比他化自在天金則不現他化自在天金比菩薩身色則不現如是色是名金色相十五者丈光相四邊皆有一丈光佛在是光中端嚴第一如諸天諸王寶光明淨十六者細薄皮相塵土不著身如蓮華葉不受塵水若菩薩在乾土山中經行土不著足隨藍風來吹破土山令散

爲塵乃至一塵不著佛身十七者七處平滿相兩手兩足兩肩項中七處皆平滿端正色淨勝餘身體十八者兩腋下平滿相不高不深十九者上身如師子相二十者大身直身相於一切人中身最大而直二十一者肩圓好相一切治肩無如是者二十二者四十齒相不多不少餘人三十二齒身三百餘骨頭骨有九菩薩四十齒頭有一骨菩薩齒骨多頭骨少餘人齒骨少頭骨多以是故異於人身二十三者齒齊相諸齒等無龐無細不出不入齒密相人不知者謂爲一齒齒間不容一毫二十四者牙白相乃至勝雪山王光二十五者師子頰相如師子獸中王平廣頰二十六者味中得上味相有人言佛以食著口中一切食皆作最上味何以故是一切食中有最上味因故無是相人不能發其因故不得最上味復有人言若菩薩舉食著口中是時咽喉邊兩處流注甘露和合諸味是味清淨故名味中得上

味二十七者大舌相是菩薩大舌從口中出覆一切面分乃至髮際若還入口口亦不滿二十八者梵聲相如梵天王五種聲從口出一甚深如雷二清徹遠聞聞者悅樂二入心敬愛四諦了易解五聽者無狀菩薩音聲亦如是五種聲從口中出迦陵毗伽聲相如迦

陵毗伽鳥聲可愛鼓聲相如大鼓音深遠二十九者真青眼相如好青蓮華三十者牛眼瞯相如牛王眼瞯長好不亂三十一者頂髻相菩薩有骨髻如拳等在頂上三十二者白毛相白毛眉間生不高不下白淨右旋舒長五尺相師言地天太子三十二大人相如是菩薩具有此相問曰轉輪聖王有三十二相菩薩亦有三十二相有何差別答曰菩薩相者有七事勝轉輪聖王相菩薩相者一淨好二分明三不失處四具足五深入六隨智慧行不隨世間七隨遠離轉輪聖王相不爾問曰云何名相答曰易知故名相如水異火以

相故知問曰菩薩何以故三十二相不多不少答曰有人言佛以三十二相莊嚴身者端正不亂故若少者身不端正若多者佛身相亂是三十二相端正不亂不可益不可減猶如佛法不可增不可減身相亦如是問曰菩薩何以故以相嚴身答曰有人見佛身相心得淨信以是故以相嚴身復次諸佛以一切事勝故身色威力種姓家屬智慧禪定解脫衆事皆勝若佛不莊嚴身相是事便少復次有人言阿耨多羅三藐三菩提住是身中若身相不端嚴阿耨多羅三藐三菩提不住此身中譬如人欲取豪貴家女其女遣使語彼人言若欲娶我者當先莊嚴房室除却汗穢塗治香薰安施床榻被蓐綻幃帳幄幔旛蓋華香必令嚴飾然後我當到汝舍阿耨多羅三藐三菩提亦復如是遺智慧使未來世中到菩薩所言若欲得我先修相好以自莊嚴然後我當住汝身中若不莊嚴身者我不

聖四

十七

王

住也以是故菩薩修三十二相自莊嚴身爲得阿耨多羅三藐三菩提故是時菩薩漸漸長大見老病死苦厭患心生夜半出家六年苦行食難陀婆羅門女益身十六功德石蜜乳糜食竟菩提樹下破萬八千億鬼兵魔衆已得阿耨多羅三藐三菩提問曰得何功德故名爲佛答曰得盡智無生智故名爲佛復有人言得佛十力四無所畏十八不共法三達無礙三意止一者受教敬重佛無喜二者不受教不敬重佛無喜三者敬重不敬重心無異大慈大悲三十十道品一切諸法總相別相悉知故故名爲佛問曰何以故未得佛道名爲菩薩得佛道不名爲菩薩答曰未得佛道心愛著求欲取阿耨多羅三藐三菩提以是故名菩薩已成佛道更得佛種種異大功德故更有異名名爲佛譬言如王子未作王名爲王子已作王不復名王子既爲王雖是王子不名王子菩薩亦如是未得佛道名爲

菩薩已得佛道名爲佛聲聞法中迦旃延尼子弟子輩說菩薩相義如是摩訶衍人言是迦旃延尼子弟子輩是生死人不誦不讀摩訶衍經非大菩薩不知諸法實相自以利根智於佛法中你論議諸結使智定根等於中作義尚處處有失何況欲作菩薩論議譬_如聖四王十八

少力人跳小渠尚不能過何況大河於大河中則知沒失問曰云何失答曰上言三阿僧祇劫過名爲菩薩三阿僧祇中頭目髓腦布施心無有悔是阿羅漢辟支佛所不能及如昔菩薩爲大薩陀婆渡大海水惡風壞船語衆賈人捉我頭髮手足當渡汝等衆人捉已以刀自殺大海水法不停死尸即時疾風吹至岸邊大慈如是而言非者誰是菩薩第二阿僧祇劫行滿未入第三阿僧祇時於然燈佛所受記爲佛即時上昇虛空見十方佛於虛空中立讚然燈佛然燈佛言汝過一阿僧祇劫當得作佛名釋迦牟尼得記如是而言

尔時未是菩薩豈非大失迦旃延尼弟子輩言三阿僧祇劫中未有佛相亦無種佛相因緣云何當知是菩薩一切法先有相然後可知其實若無相則不知摩訶衍人言受記爲佛上昇虛空見十方佛此非大相耶爲佛所記當得作佛得作佛者此是大相捨此大

相而取三十二相三十二相轉輪聖王亦有諸天魔王亦能化作此相難陀提婆達等皆有三十相婆跋諦婆羅門有三相摩訶迦葉婦有金色相乃至今世人亦各各有一相二相若青眼長臂上身如師子如是等種種或多或少汝何以重此相何經中言三阿僧祇

聖四

十九

王

劫中菩薩不種相因緣如難陀漂浴鞞婆尸佛願得清淨端正於辟支佛塔青黛塗壁作辟支佛像因而作願願我恒得金色身相人作迦葉佛塔中級以此三福因緣卅世受樂處處所生恒得端嚴是福之餘生迦毗羅婆釋種中爲佛弟子得三十大相清淨端正

出家得阿羅漢道佛說於五百弟子中難陀比丘端正第一此相易得云何言於九十一大劫中種餘一生中得是爲大失汝言初阿僧祇劫中不知當作佛不作佛二阿僧祇劫中知當作佛不自稱說三阿僧祇劫中知得作佛能爲人說佛何處說是語何經中有是語若聲聞法三藏中說若摩訶衍中說迦旃延尼弟子輩言雖佛口三藏中不說義理應余阿毗曇鞞婆沙菩薩品中如是說答曰摩訶衍中說初發心是時知我當作佛如何遮羅菩薩於長手佛邊初發心時乃至金剛坐處成佛道於其中間顛倒不淨心不生如首楞嚴三昧中四種菩薩四種受記有未發心而授記有適發心而授記有於前授記他人盡知已身不知有於前授記他人已身盡知汝云何言於二阿僧祇劫知受記而不自稱說復次佛言無量阿僧祇劫作功德欲度衆生何以故言於三阿僧祇劫三阿僧祇劫有

量有限間曰摩訶衍中雖有此語我亦不都信答曰是爲大失是佛真法佛口所說汝無反復汝從摩訶衍中出生云何言我不都信復次摩訶衍論議此中應廣說復次說是三十二相業因緣欲界中種非色無色界中種無色界以無身無色是三十二相是身莊嚴故無色界中不得種可余色界中何以不得種色界中大有諸梵王常請佛初轉法輪是智慧清淨能求佛道何以言不得種三十二相因緣又言人中得種非餘道如婆伽度龍王十住菩薩阿那婆達龍王七住菩薩羅睺阿脩羅王亦是大菩薩復何以言餘道不得種三

聖四

二千

王

心得種以是故多思和合能種一相如重物一人不能擔必須多人力如是種相要得大心多思和合乃得種以是故名百福相百大心思種是名百福相不應一思種一相餘事尚不得一思種一事何況百福相何以故言釋迦文尼菩薩心未純淑弟子心純淑彌勒菩薩心純淑弟子心未純淑是語何處說三藏中摩訶衍中無是事此言自出汝心汝但見釋迦文尼菩薩於寶窟中見弗沙佛七日七夜以一偈讚彌勒菩薩亦種種讚弗沙佛但阿波陀經中不說汝所不知無因緣故汝便謂彌勒弟子心未純淑如是皆爲違失汝言菩薩一切物能施無所愛惜如尸毗王爲鷄故割肉與鷄心不悔恨如以財寶布施是名下布施以身布施是名中布施種種施中心不著是爲上布施汝何以讚中布施爲檀波羅蜜滿此施雖心大多慈悲有知智慧有不知智慧如人爲父母親屬不惜身或爲主不惜

聖四

二千

卷之

身以是故知爲鵠不惜身是中布施問曰菩薩爲一切衆生爲父爲主者爲一切人故以是故非直不惜身爲檀波羅蜜滿答曰雖爲一切衆生是心不清淨不知己身無吾我不知取者無人無主不知所施物實性不可說一不可說異於是三事心著是爲不清淨於

世界中得福報不能直至佛道如說般若波羅蜜中三事不可得亦不著是爲具足檀波羅蜜滿如是乃至般若波羅蜜能分大地城郭聚落作七分是爲般若波羅蜜滿是般若波羅蜜無量無邊如大海水諸天聖人阿羅漢辟支佛乃至初行菩薩尚不能知其邊崖十地住菩薩乃能知云何汝言能分大地城郭聚落作七分是名般若波羅蜜滿是事是算數法能分地是世俗般若波羅蜜中少許分譬喻如大海水中一滯兩滯實般若波羅蜜名三世諸佛母能示一切法實相是般若波羅蜜無來處無去處一切處求不可得如幻如響如

水中月見便失諸聖人憐愍故雖一相以種種名字說是般若波羅蜜諸佛智慧寶藏汝言大失汝言四種觀觀時觀土地觀種族觀生處人壽八萬歲佛出七六五四三二萬歲中佛出世人壽百歲是佛出時若諸佛常憐愍衆生何以止八種時中出世餘時不出佛法不待時如好藥服時便差病佛法亦如是不待時問曰雖菩薩憐愍衆生諸佛不待時過八萬歲人長壽多樂染愛等結使厚根鈍非可化時若百歲後人短壽苦多瞋恚等諸結使更厚此樂時苦時非得道時以是故佛不出世答曰諸天壽出千萬歲有先世因緣雖多樂染愛厚能得道何況人中不大樂三十六種不淨易可教化以是故人壽過八萬歲佛應出是中人無病心樂故人皆利根福德福德利根故應易得道復次師子鼓音王佛時人壽十萬歲明王佛時人壽七百阿僧祇劫阿彌陀佛國人壽無量阿僧祇劫汝云何言過八

聖四

二十三

卷之三

萬歲佛不出世問曰摩訶衍經有此事我法中無十方佛唯過去釋迦文尼拘陳若等一百佛未來彌勒等五百佛答曰摩訶衍論中種種因緣說三世十方佛何以故十方世界有老病死姪怒癡等以是故佛應出其國如經中說無老病死煩惱者諸佛則不出世復

次多病人應有多藥師汝等聲聞法長阿含中毗沙門王以偈白佛

稽首去來現在諸佛亦復歸命釋迦文佛汝經說過去未來現在諸佛言稽首釋迦文尼佛言歸命以此故知現在有餘佛若無餘國佛何以故前稽首三世佛後別歸命釋迦文尼佛此王未離欲在釋迦文尼佛所得道敬愛心重故歸命於餘佛所直稽首問曰佛口說一世間無一時二佛出亦不得一時二轉輪王出以是故不應現在有餘佛答曰雖有此言汝不解其義佛說一三千大千世界中無一時二佛出非謂十方世界無現在佛也如

四天下世界中無一時二轉輪聖王出此大福德人無怨敵共世故以是故四天下一轉輪聖王佛亦如是於三千大千世界中亦無二佛出及轉輪聖王經說一種汝何以信餘四天下更有轉輪聖王而不信餘三千大千世界中更有佛復次一佛不能得度一切衆

聖四

二十三

王

生若一佛能度一切衆生者可不須餘佛但一佛出如諸佛法度可度衆生已而滅如燭盡火滅有爲法無常性空故以是故現在應更有餘佛復次衆生無量苦亦無量是故應有大心菩薩出亦應有無量佛出世度諸衆生問曰如經中說無量歲中佛時時出譬如曇曇婆羅樹華時時一出若十方佛充滿佛便易出易得不名爲難值答曰不爾爲一大千世界中佛無量歲時時出不言一切十方世界中難亦爲罪人不知恭敬不勤精進求道以是故語言佛無量歲時時一出又此衆生衆多罪報故墮惡道中無量劫尚不聞佛

何況見佛以是人故言佛出世難問曰若現在十方多有諸佛菩薩今一切衆生罪惡苦惱何以不來度之答曰衆生無量阿僧祇劫罪垢深厚雖有種種餘福無見佛功德故不見佛如偈說

好福報未近
喪罪未除却
現前不能見

大德有力人 大德諸聖人 心亦無分別

慈悲一切人
一時谷今度
衆生福德裏
智慧根亦剝

壁若如大龍王
隨願雨眾雨
罪福隨本行

各各如所受

角曰老 齿不存衡目不齐 素女无口有齿

若無相應者慧何不度未然者自有福德智慧不待佛度答曰此福德智慧從佛因緣出

若佛不出世諸菩薩以十善因緣四無量意

後生罪福報種種因緣易遭若無菩薩有種種惡中流人界此去于福慧因緣復次人難

有福德智慧若佛不出世是世界中受報不

碛砂大藏經

大智度論

能得道若佛出世乃能得道是爲大益譬如今人雖有目日不出時下能有所見要須日明得有所見不得言我有眼何用日爲如佛說内外因緣能生正見一從他聞法二內自如法思惟福德事故能生善心利根知智慧故能如法思惟以是知從佛得度如是等種種多

大智度論卷第四

論餘事

升平集

聖四

五

墮果狹夾咸葬交杼如繕祕枚音袴紺暗純淑音上
神下翹柔聃詩腋者昌股音持稱秤尺證
音熟翹遙眡閨腋亦臭救股吉持稱秤尺證
墮時軟或臍寬坤筋音斤角翅音號慟臺洞
蹠作蹠脣臍二音筋或從肉翅音號慟臺洞
叩口扣梯他撻捶上陟瓜反剥必劖鑿分
頰安炮蒲鍼針轔轔音谷纖息膚恭縵莫毛毳
葛昌駁奇肺軟娶音取樞塔葬辱綻二字帳幔
歲昌駁逆肺軟娶音取樞塔葬辱綻二字帳幔
上莫半跳音賈人上音跋隸上步宋青黛奇代